

JAMHURI YA MUUNGANO WA TANZANIA
OFISI YA RAIS
TAWALA ZA MIKOA NA SERIKALI ZA MITAA



MAELEKEZO YA KUJIUNGA NA KIDATO CHA TANO SHULE YA SEKONDARI
SOLYA – HALMASHAURI YA WILAYA MANYONI




Tarehe 23/04/2024

OFISI YA RAIS,

**TAWALA ZA MIKOA NA SERIKALI ZA MITAA
SHULE YA SEKONDARI SOLYA**

S.L.P 11
MANYONI,
SINGIDA.
23/04/2024.

Mkuu wa Shule: **ZAINABU ISIMA MTINDA**
Simu: **0716723373/0755278326**
Makamu mkuu wa shule: 0769609911
Matron/malezi: **0758017016/0686319777**



NDG MZAZI/MLEZI WA MWANAFUNZI:
.....

**YAH: MAELEKEZO YA KUJIUNGA NA SHULE YA SEKONDARI YA WASICHANA
SOLYA, HALMASHAURI YA WILAYA YA MANYONI MKOA WA SINGIDA**

1. Nafurahi kukutaarifu kuwa mwanao amechaguliwa kujiunga na kidato cha Tano katika shule ya wasichana ya mkoa wa Singida; SOLYA SEKONDARI iliyopo Wilaya ya Manyoni katika Mkoa wa Singida mwaka 2024/2025.
HONGERA NA KARIBU SANA SOLYA SEKONDARI.
2. Shule iko kilometa 20 kutoka Manyoni mjini.
Kama utatokea uelekeo wa manyoni mjini, ni umbali wa kilomita 20, mara tu baada ya kumaliza mlima mdogo wa muharara utakuwa umekaribia kituo cha mabasi Solya; ukishuka hapo utaelekezwa shule ilipo na kama utapanda boda boda nauli ni shilingi elfu moja (1000) au unaweza kuomba msaada kwa mwenye basi akushushie kwenye kibao cha shule; utakuwa umefika shuleni.
Shule ipo barabarani; Barabara kuu ya Dodoma, baada ya "rezevu" ya Barabara yanafuatia majengo ya shule;
3. Kama unatokea uelekeo wa Dodoma; ukimaliza mlima Saranda utakuwa umekaribia na baada ya Sukamahela kituo kinachofuata ni SOLYA. Utaomba ushushwe kwenye kibao cha Shule ama usiposhushwa basi utashukia stand ya Solya. Maelezo namba 2 yanajitosheleza.

Muhula wa masomo utanza **1/7/2024**.

Aidha una muda mrefu wa kumuandaa mtoto hakuna sababu ya kuchelewa kuripoti shule! Ninasisitiza mwanafunzi afike shuleni mapema tarehe husika muda wa kuripoti ni kuanzia saa

mbili kamili asubuhi hadi saa kumi na moja na nusu jioni. Kama kuna dharura tumia namba za shule kuutarifu uongozi.

MAHITAJI MUHIMU YA KUZINGATIA

2.1 SARE YA SHULE

- a) Cheti cha matokeo ya mtihani wa kidato cha nne (result slips) na nakala ya cheti cha kuzaliwa
- a) Sare ya shule ni sketi mbili (2) za DRAFTI (MAROON, DARK BLUE NA NYEUPE) Mshono wa Rinda box kwa mbele. Kama utashindwa kuelewa piga simu kwa ajili ya maelekezo. Aidha unaweza kushonewa sketi shuleni; kwa gharama ya shilingi 26,500 kwa sketi moja
- b) Mashati mawili meupe ya mikono mirefu. (aje nayo)
- c) Shati moja la mikono mifupi rangi ya bluu Bahari iliyopauka (aje nalo)
- d) Kizibao kimoja rangi ya maroon; shingo ya (V) iliyo na ufito wa uzi mweupe shingoni aje nacho, iwapo utashindwa unaweza kupata shuleni kwa gharama ya shilingi 15,000/=
- e) Wanafunzi wanaovaa hijabu (kijuba) iwe nyeupe na ndefu kufika usawa wa nyonga, na hijabu zote ziwe za kitambaa cheupe aina ya babi au halua (sio kitambaa cha mpira au aina nyingine)
- f) Viatu vya shule ni vyeusi vya kufunga na kamba vyenye visigino vifupi, Jozi mbili (2)
- g) Sare ya michezo ni bukta na T-shirt rangi ya blue iliyokolea, raba rangi nyeupe (jozi moja) na traki suti nzito rangi ya kijivu (jozi moja)
- h) Soksi ndefu nyeupe (stoking) kuanzia jozi mbili; nasisitiza ziwe ndefu
- i) Sweta la **dark blue** yenye shepu ya V mbele – shingoni
- j) Nguo za kushindia (shamba dress) sketi nyeusi moja au mbili marinda ya kupanga (mbele marinda nane au saba na nyuma vivyo hivyo) jumla marinda 16 au 14, iwe ndefu
- k. Tisheti mbili za za kola (form six) kitambaa kizito rangi ya kijivu iliyokolea za kushindia; au anaweza kuja na pesa shilingi 15,000/= kwa tisheti moja za aina hiyo Pamoja na nembo ya shule.
- l. Nguo za nyumbani haziruhusiwi kabisa isipokuwa aje na kanga/vitenge jozi moja tu, atatumia wakati wa kuoga.
- m. mwanafunzi anaweza kununua pull neck (sweta la kaba shingo) NYEUPE ya kuvalia ndani ya shati la shule nyakati za baridi. (vazi ili sio lazima)

2:2 Mahitaji mengine muhimu ambayo mwanafunzi anapaswa kuja nayo:

- i. Madaftari makubwa (counter book quire 4 nane (8) madaftari nane na madaftari ya msomi madogo 8 kwa ajili ya majaribio ya ndani.
- ii. **Ream (A4)** Mbili (2) kwa ajili ya shughuli za Kitaaluma.
- iii. Vitabu vya masomo ya tahasusi husika
- iv. Dissection Kit **ILİYOKAMILIKA** (kwa wanafunzi wenye somo la **biology**)
- v. Scientific Calculator, na stop watch, mathematical set
- vi. Godoro la sponji futi 2.5 inch 4 na mto wa kulalia

- vii. Mashuka Jozi 2 rangi ya pinki na foronya zake, blanket 1, foronya ya godoro 1, chandarua 1 (nyeupe ya pembe nne); na sanduku gumu la bati la kuhifadhia vifaa vyake.
- viii. Nguo za ndani za kutosha na taulo za kike za kutosha
- ix. Vyombo vya chakula (sahani, bakuli, kijiko na kikombe);
- x. Ndoo 2 , moja ya lita 20 na ya pili ndoo ndogo (lita Kumi) zenye mifuniko na dumu la lita tano la kuhifadhia maji ya kunywa

VIFAA VYA USAFI

- I. Ufagio mmoja mlaini (soft broom) na chelewa kwa kila mwanafunzi.
- II. Dawa ya chooni aina ya ARO.
- III. Ufagio wa kukaushia maji (squizer)
- IV. Jembe moja lenye mpini
- V. Reki moja na kwanja moja kwa kila mwanafunzi

VI. Kila mwanafunzi aje na **BIMA YA AFYA**; kama hana bima ya afya aje na shilingi 50,400/= kwa ajili ya Bima

2:3 Michango mbalimbali

a) Shule za Bweni

Na	Aina ya Mchango	Kiasi
1.	Mchango wa Uendeshaji wa Shule	65,000/=
3.	Tahadhari	5,000/=
4.	Nembo	5,000/=
5.	Kitambulisho cha Shule	5,000/=
	Jumla	80,000/=

Fedha zote kwenye jedwali hapo juu zilipwe kwenye akaunti ya shule **0150865986200 – Solya Secondary school – CRDB** – (tafadhali andika jina la mwanafunzi kwenye Bank pay in slip) aje nayo anaporipoti shule

3. Sheria na Kanuni muhimu za Shule

Shule inaendeshwa kwa mujibu wa Sheria ya Elimu Na. 25 ya mwaka 1978 na kama ilivyo rekebishwa kwa Sheria Na. 10 ya mwaka 1995. Aidha, inazingatia miongozo yote inayotolewa na Wizara ya Elimu, Sayansi na Teknolojia yenye dhamana ya elimu na Ofisi ya Rais – TAMISEMI yenye jukumu la usimamizi na uendeshaji wa elimu nchini. Unatakiwa kuzingatia mambo ya msingi yafuatayo ambayo yanafafanuliwa kwa maandishi na utapewa nakala yake mara baada ya kuripoti shuleni. Mambo hayo ni pamoja na;

3.1 Sheria na Kanuni za Shule

- i. Heshima kwa viongozi, wazazi, wafanyakazi wote, wanafunzi wengine na jamii kwa ujumla ni jambo la lazima;
- ii. Mahudhurio mazuri katika kila shughuli ndani na nje ya shule kulingana na ratiba ya shule;
- iii. Kushiriki kwa kikamilifu masomo ya usiku (Preparation);
- iv. Kuwahi katika kila shughuli za shule utakazopewa;
- v. Kufahamu mipaka ya shule na kuzingatia kikamilifu maelekezo ya kuwepo ndani na nje ya shule ya mipaka hiyo wakati wote wa uanafunzi wako katika shule hii;
- vi. Kutunza usafi wa mwili, mavazi na mazingira ya shule;
- vii. Kuvaa sare ya shule wakati wote unapotakiwa;
- viii. Kuzingatia ratiba ya shule wakati wote;
- ix. Kutunza mali za shule;
- x. Ni marufuku mwanafunzi kumiliki vifaa vyenye ncha kali na dawa bila idhini ya daktari; na
- xi. Mwanafunzi haruhusiwi kubadili dini wala kumshawishi mwanafunzi mwenzake kubadili dini wawapo shuleni.

MUHIMU:

- ❖ Mwanafunzi hapaswi kuja na simu shuleni kwa namna yoyote ile, na hakuna mtumishi anayeruhusiwa kutunza simu ya mwanafunzi;
- ❖ Mwanafunzi awapo shuleni atatakiwa kulala kwenye Bweni alilopangiwa na kitanda alichopangiwa. Ni marufuku mwanafunzi kulala kitanda kimoja na mwenzake au kuishi kwenye Bweni ambalo hakupangiwa. Kitanda kimoja kitatumika na mwanafunzi mmoja tu;
- ❖ Mwanafunzi ataruhusiwa kurudi nyumbani kwa ruhusa na kibali maalum toka kwa Mkuu wa Shule. (Msiba au Ugonjwa).

3.2 Makosa yatakayosababisha Mwanafunzi kufukuzwa Shule ni pamoja na:

- i. Wizi wa mali za shule, mali z watumishi za jamii na mali za wanafunzi wengine;
- ii. Kutohudhuria masomo kwa zaidi ya siku 90 bila taarifa/utoro;
- iii. Kugoma na kuhamasisha mgomo;
- iv. Kutoa lugha chafu kwa wanafunzi wenzake, walimu/walezi na jamii kwa ujumla;

- v. Kupigana mwanafunzi kwa mwanafunzi, kumpiga mwalimu au mtu yeyote yule;
- vi. Kusuka nywele kwa mtindo usiokubalika. Wanafunzi wote wanatakiwa kuwa na nywele fupi wakati wotewawapo shuleni.

NB: **SOLYA** Sekondari wanafunzi wote wanatakiwa kuwa na nywele fupi

- vii. Kufuga ndevu;
- viii. Ulevi au unywaji wa pombe na matumizi ya dawa za kulevya;
- ix. Uvutaji wa sigara;
- x. Uasherati, mahusiano ya jinsi moja, kuo au kuolewa;
- xi. Kupata ujauzito au kutoa mimba;
- xii. Kusababisha mimba;
- xiii. Kushiriki matendo ya uhalifu, siasa na matendo yoyote yale yanayovunja sheria za nchi;
- xiv. Kwenda kwenye nyumba za starehe na nyumba za kulala wageni;
- xv. Kumiliki, kukutwa au kutumia simu ya mkononi katika mazingira ya shule;
- xvi. Kudharau Bendera ya Taifa;
- xvii. Kufanya jaribio lolote la kujiua, au kutishia kujiua kama kunywa sumu; na
- xviii. Uharibifu wa mali ya umma kwa makusudi.

KARIBU SANA SOLYA SEKONDARI!

"WE ARE LEARNING, LEADING AND ILLUMINATE"

Kwa siku za hivi karibuni kumekuwa na utapeli (wizi kwa njia ya mitandao). Baadhi ya wazazi wamekuwa wakitumiwa ujumbe mfupi au kupigiwa simu na watu wanaojitambulisha kama walimu na kuwafahamisha kuwa mtoto wa mzazi husika ambaye ni mwanafunzi ni mgojwa na yuko mahututi hivyo mzazi atume pesa. **TAFADHALI UPATAPO UJUMBE WOWOTE KUHUSU MWANAFUNZI/MTOTO WAKO USITUME CHOCHOTE, NI VEMA UKAWASILIANA NA UONGOZI WA SHULE KUPATA UKWELI WA TAARIFA HUSIKA KWA NAMBA ZILIZOTAJWA MWANZO WA MAELEKEZO HAYA**



ZAINABU ISIMA MTINDA
MKUU WA SHULE



SINGIDA REGION
SOLYA GIRLS' SECONDARY SCHOOL

P.O.BOX 11
MANYONI
SINGIDA

To the Medical officer

DATE _____

Dear Sir/Madam

RE: REQUEST FOR MEDICAL EXAMINATION

Please examine Miss _____ as to
her fitness to join Solya Girls Secondary School.

Your Sincerely
MTINDA Z.I
HEAD OF SCHOOL



TO BE COMPLETED BY MEDICAL OFFICER
DECLARATION

I have exanined Miss _____ and certify that, she is

.....
Name of Medical officer

.....
signature of Medical Officer

Designation

official stamp